

Q. D. B. V.  
DISSERTATIO METAPHYSICA,  
DE  
CONCURSU CAU-  
SÆ PRIMÆ CUM CAU-  
SIS SECUNDIS,

*Quam*  
Consensu Inclutæ Facultatis Philofo-  
phicæ in Almâ Lipsiensi  
SUB PRÆSIDIO  
*VIRI CL.*

M. VALENTINI FRIDERICI,  
SS. Theol. Baccal. & Facultatis Philos.

Assessoris,

Dn. Fautoris, Præceptoris, atqve Studiorum suorum  
Promotoris omni honoris cultu æternū deve-  
nerandi,

publico φιλοσοφίας Examini  
submittit

GEORGIUS GOTTLÖB Pitschmann/  
Lignicensis Silesius,

AUTOR ET RESPONDENS.

ad d. 21. Augusti.

a. XXXVI. 54.

ANNO CL IO LXXII.

---

LIPSIAE,  
Literis CHRISTIANI FICKII.

*st.*

Coll. diss. A  
36, 54

*H. T. Thibal.*

PERILLUSTRIS atque GENEROSISSIME  
DOMINE  
DOMINE JOHANN GEORGI,  
LIBER BARO  
à Bibrahn in Modlau/  
Hæreditarie In Reisig/Wolffshahn / groß und klein Eschir/  
besdorff/ &c. &c. &c.

DOMINE GRATIOSISSIME,  
**D**iu equidem ancipi curâ distractus sum, an ad TUI NOMINIS  
Fastigium hujus Dissertationis pauperiem ponerem; siquidem miki  
partim virtus, quâ circum circa PERILLUSTRIS atq; GENE-  
ROSISSIME Domine, fulges; partim, Generis, unde ortum traxisti, subli-  
mitas, honorisq; tantam virtutem qui comitatur, Amplitudo formidinem  
incudebat. Enim verò omnem miki timorem admiranda TUA, quâ in  
liberalibus studiis in vigilantes es, HUMANITAS eripuit. Imò ut  
hoc facerem Parenti meo, intercepto, proh dolor! Fatô, & avitô jamdu-  
dum sepulcrô condito à PERILLUSTRIGENEROSITATE  
TUA exhibita beneficia admonuerunt. Quæ quamvis referre neque-  
am; attamen ut illa oblivionis nube obducantur nunquam permittam.  
Quapropter cùm aliud non habeam, hos tenuissimos, quos in me Famigera-  
tissima Philurea protulit, Partus, PERILLUSTRIGENERO-  
SITATI TUAÆ submisso cordis affectu offero, quæ ut eo animo à  
PERILLUSTRIGENEROSITATE TUA accipientur, quô  
summus ille Persarum Monarcha Darius haustum volæ Aquæ ab infimæ  
conditionis homine accepit, obnixè peto. Vale, PERILLUSTRIS  
atq; GENEROSISSIME DOMINE, & si Patrem amâsti, ut amâsti,  
etiam in Filium rivulos illius Amoris ac Gratiae derivare ne dedigneris.  
Dabam Lipsiæ.

PERILLUTRIS GENEROSITATIS TUÆ  
submississimus Cliens:

GEORGIVS Gottlob Pitschmann/SS.  
Theol. & Philol. Studiosus.



בשׂ אל הינו

Cum apud animum mihi constituerem Dissertationem aliquam philosophicam <sup>καθόλου</sup> conscribere, diu eqvideū æqvā Animi lance pensiculavī, qvalem Materiam publicā ventilatione dignā assumerem. Sed ecce! dum anceps hæreo, occurrit controversorum satis controversum thema, de Concursu causæ primæ cum causis secundis agens. Qvamvis verò hoc difficultatis profunditate longè reliqvis antecellat; nihilominus tamen eò acceptius atqve gratius esse, mihi vulgare πολυτελέστερον illud: δύσκολη τὰ καλά; spondet. Ut <sup>ιεπόμενος</sup> autem & ordine procedam debito, dispescam dissertationem meam in duo Capita, qvorum alterum sententiæ nostræ probationem offeret; alterum verò Adversariorum erroneas ac falsas opiniones refutabit. Ne verò etiam prisco Majorum nostrorum instituto, qvi, cùm aliqvid commendandum esset, Precatione; cùm exposcendum, voto; cùm solvendum, gratulatione, referente Valerio M. l. I. c. I. de Rel. opus esse arbitrabantur; contravenire videar, jure meritoqve Deum ter Optimum Maximum calidis invoco suspiriis, ut hōc meum institutum ad Nominis sui Gloriam dirigat!

CAPUT I.

DE

SENTENTIÆ VERÆ PROBATIONE.

§. I.

Qvamvis sèpiuscule ex Nominibus ad Rei perceptiōnem adspiremus, testante Scalig. Exercit. I. sect. I.

A 2

ego

ego tamen ad evitandam prolixitatem hac vice Causæ Etymologiam vel Homonymiam sicco quasi pede prætereo, dum illud ab aliis prolixè factum esse constat. *vid. Iac. Mart. Disput. Met. 7.*

§. 2. Causam autem in sensu Metaphysico accipio, ubi illa dividitur in primam & secundam. *vid. Stal. Compend. Metaphys. Tab. 6.*

§. 3. Est itaqvè Causa prima Ens independens, qvod nullam causam agnoscit superiorem, ab illo verò reliqua omnia dependent Entia, & est solus Deus; causa secunda verò est Ens dependens, qvod agnoscit causam superiorem, sc. causam primam, suntq; creaturæ.

§. 4. Qvod attinet primum membrum antecedentis Paragraphi, clarum est illud: Aut enim dependet à priori, aut à posteriori. Non à priori, qvis enim prior Deus, qvippè qvi absolutè primus, prima causa, primum Principium; non à posteriori, qvia omnia inferiora ab illo originem suam trahunt, ergò à nullo. Qvod verò alterum spectat, prolixâ iterum probatione, non indiget: Qvòd si enim qvis dependentiam negat, negabit simul, se in lucem à parentibus prolatum esse, adeoque illis non initium debere, qvod tamen nemo nisi planè stolidus & stupidus facit. Excipis, qvòd Protoplasti non sic à parentibus geniti sint: Resp. concedendo; Sed loco productionis parentum erat ipse Deus, qvi Adamum ex gleba terræ, E�am ex costa Adami creabat. Adeoque vides, qvòd nec illi independentes fuerint, sed à prima causa dependerint.

§. 5. Notanter dixi in antecedentibus absolutè primus, siquidem etiam respectivè, testante Fonsec. Comment. sup. Arist. Met. l. 6. c. 2. q. 2. Causa prima tota aggregatio coelestium corporum universaliter concurrent ad actiones purè naturales, qvæ in hoc mundo docti probant, qam uel officior, ministrari, ut frātēs fratres cummuni. per-

Concurrenti nullo mo-

peraguntur, dicitur: nam omnes inferiores Causæ naturales ab illis superioribus in operando pendent, eademque aggregatio tantæ est virtutis, ut sibi subjicere omnia inferiora possit. Verum enim verò hæ Cæ non excludunt D E U M tanquam primissimam (sit venia verbo!) causam, sed multò magis supponunt.

§. 6. Præsupposito nunc, qvòd per causam primam nullus aliis intelligatur, qvàm D E U S, per secundam verò Creaturæ, jure meritoqve mihi competit ut, qvod D E U S tanquam Causa prima cum actionibus causarum secundarum concurrat, probem. Atqve hoc ex Thoma Aqvinate Part. I, qvæst. 104. Siqvidem D E U S est causa Creaturarum non tantum qvoad fieri, sed etiam qvoad esse directè & per se primò; Qvando verò Effectus pendet à sua causa qvoad esse directè & per se primò, pendet non solum in fieri, sed etiam conservari. Ita ergò pendent omnia à D E O. Habet deindè Iacob. Mart. in Disput. suâ Metaphysica II. q. 5. multas rationes, qvibus probare nititur jam jam nominatam conservationem, dicit enim inter alia: *Si Lumen à Sole pendet in fieri & conservari, ergò multò magis Res creatæ pendebunt in conservari à prima causa. Consequentia probatur, siqvidem multò essentialius quodlibet creatum pendet à D E O, qvàm Lumen à Sole.* Ex conservatione verò concursum D E I concludi, qvis negabit? Siqvidem res creatæ D E I influxum seu concursum ad sui conservationem postulant. Porrò si D E U S est causa prima qvoad fieri & concurrit ad res creaturarum in fieri, ut supra ex Thoma Aqvinate dixi, utiqvè etiam ad rerum operationes concurrit. Nam per operationes, dicente Scheibl. l. 2. Metaphys. c. 3. tit. 19. Art. 3. rerum creatarum sive causarum secundarum res fiunt veluti per operationem gigantis res genita. vid. Suarez. Disput. 22.

§. 7. Probato nunc dari concursum causæ pri-

mæ cum causis secundis, qualitatem ejus evolvam, atq; ve  
illum dupliciter conjunctim & disjunctim spectabo. Si  
illum (1.) conjunctim tam ex parte causæ primæ qvam  
secundæ considero, cum Plurimum Reverendo Viro L. Va-  
lentino Alberti, Patrono, Præceptore atq; Promotore meo nun-  
q; vam non Honoris cultu suspiciendo, ex Lectionibus ejus publicè  
super Stal. Compend. Met. habitis, & qvidem ex c. 5. Thes. 19.  
dico: Quod in hoc concursu causa prima & secunda ita cooperen-  
tur, ut creaturarum actiones nonsolum ab ipsis, sed & à D E O  
immediatè dependere dici possint. Si (2.) disjunctim illum  
specto, necesse est, ut prīmō videam, qvomodo concur-  
sus ille se habeat ex parte causæ primæ, & est nihil aliud  
dicente Scheiblero l. 2. Met. c. 3. tit. 19. art. 3. qvām positivis  
influxus, quem præbet immediatè ad effectum, vel actionem cau-  
sæ secundæ. Concurrit igitur DEus non efficiendo ali-  
qid in causa secunda, qvicqvid id sit, sed cum causa se-  
cunda. Rationem dat Iac. Mart. Disput. Met. II. q. 7.  
quia causa secunda dependet à D E O in esse, ergo & ejus effectus,  
quia utrumq; est Ens per participationem. Eodem respectu  
ab aliis ex parte Causæ primæ hic concursus considera-  
tur (α) tanquam universalis, siquidem ad omnium crea-  
turarum actiones, Angelorum, hominum, brutorum,  
Ranarum, piscium, vermium &c. concurrit (β) tanquam  
immediatus, ratio, quia DEus non cooperatur mediatis-  
bus creaturis, sed cum creaturis, producitq; ipse actionē  
cum causâ secunda. Secundò quomodo ex parte cau-  
sæ secundæ ille se habeat: Nimirum fit ille, ut & causæ  
secundæ reverâ agant, quamvis distincto à causa prima  
modo, nam illa agit independenter, hæc dependenter.

§. 8. Dixi jam jam, quod concursus hic ex parte  
causæ primæ sit immediatus, quod ut rectè percipiatur,  
notetur distinctionem dari agentium immediatorum,  
inter ea, quæ agunt immediatione suppositi, & inter ea  
quæ

quæ agunt immediatione virtutis. Ea dicuntur agere immediatione suppositi, quæ nullius suppositi ministerio agunt, & hoc pacto, Deus quoque immediatum agens in creatione & conservatione cujuscunque rei. Immediatione virtutis autem agentia duobus modis dicuntur: Unus est, si agunt virtute non accepta ab eo, cum quo agunt, & hoc modo Deus in omni actione & cujuscunque agentis comparatione dicitur agere immediate immediatione virtutis, quia à nullo agente accipit virtutem agendi. Alter modus est, si ab agentium virtute, quomodounque eis illa conveniat, immediate proficiatur actio; & hæc immediatio Deo tribui etiam potest, vid. de hac immediatione prolixè differentem Syvarez.

Disp. 22. Sect. i.

§. 9. Quamvis verò juxta Javelli canonem (L. 7. Met. qv. 1. *Quicquid potest causa prima cum secundâ, potest etiam absq; secundâ*) possit prima causa absq; secunda agere, non tamen vice versa secunda absque primâ: Nam omnia, dicente Scalig. Exerc. 71. sect. 1. *Quæcunq; aliquid agunt, vi ac virtute primi agentis agunt.* Nam neque ignis forma suam moveret materiam, nisi Deus omnia moveret.

§. 10. Quod attinet primum, quod scil. causa prima absque secunda agere possit, probo ex creatione; siquidem ibidem immediate & absque cooperatione ullius secundæ causæ illud chaos & ex illo omnes creature & res singulas creabat. Dicis, hodiè Deus non ita semper procedere. Resp. concedendo. Exinde tamen non concludendum est, quod Deus impossibile sit, si illi placeret, hominem ex nihilo creare, & , dicente ipso S. Spiritu, Abraham ex lapidibus Filios condere, siquidem nullam involvit imperfectionem aut contradictionem. Alterum in antecedentibus probavi.

§. II.

§. II. Effectus verò hujus influxūs five concursūs causæ primæ nihil aliud est, quām motus aliquis physicus, in se indifferens, neque moraliter bonus, neque malus, habet quæ se non aliter hic Deus, quām sol, qui se habens indeterminatè splendorem suum tām ad malas quām bonas actiones præbet. Quemadmodum autē illi hanc ob causam nulla potest adscribi culpa; ita quoque Deo quamvis hunc motum physicum creaturis largiatur, nulla culpa dari potest; siquidem, uti dixi, est indifferens. Ipsa verò ~~et opia~~, quod peccem, est omnino mala. Quis verò dicet, quod exinde Deus esse causam peccati sequatur; siquidem illo satisfecit, dum homini arbitrium liberum hoc vel illud eligendi & peragendi concessit; Imò talibus instruxit facultatibus, ut bonum eligere & malum vitare possit.

§. 12. Licet autem causæ secundæ moveantur à primâ causa, nihilominus tamen propriè ac liberè agunt; Quod si enim hoc negaretur, eveniret (1.) Deus esse causam peccati, (2.) Hominem destitutū esse libero Arbitrio in naturalibus & civilibus, quod tamē illi post Iapsum relictum. (3.) Frustrà essent qualitates agentium (4.) Rebus à Deo creatis perfectio debita non esset, attributæ, & plura absurdæ, quæ exinde evenirent, lege Iac. Mart. Disp. II. q. 5. & Scheibl. l. 2. c. 3. Tit. 19. art. 1.

§. 13. Agit itaq; causa prima cum creatura eādem numero actione, quā creatura agit; Quo pacto Faber, dicit Fonsec, Comment. super. Met. Arist. l. 5. c. 2. q. 9. præterquam quod movet securim ad secundum, (quæ est applicatio instrumenti ad opus, quale instrumentum causa secunda nostra non est) agit etiam cum securi illâ eādem actione, nempè ipsa sectione. Nam si in illo effectu essent duæ actiones, una solius Dei, & altera causæ secundæ, terminatae ad unum eundemque effectum, interrogarem: An actio causæ secun-

secundæ sit à sola illa, & non à D E O per se immediate: Et hoc dici non potest, sequeretur enim effectum solùm fieri causæ secundæ à prima, non tamen ipsam actionem, quod, quām falsissimum sit, clarum est, vid. Suarez. Disput. 22. sect. 3.

§. 14. Et hæc de Concurso D E I quo ad sententiam nostram dicta sufficient, ex quo veteres Philosophi dependentiam creaturarum à D E O in conservatione cognoverunt; Quemadmodum illud testatur *Iustinus Martyr.* in *Orat. paræneticâ ad Gent.* & latius confirmat *Eugenius l. 1. de perenn. Philos.* à cap. 28. & lib. 3. ferè per totum. Alias hunc Concursum quoque defendunt & prolixè de illo differunt *Arriaga* disp. *Phys.* sect. 1. subsect. 2. p. 270. *Mendoza* disput. 8. *Phys.* sect. 2. *VVendelinus* iu. *contemplat.* *Phys.* sect. 1. p. 1. c. 4. th. 5. §. 7.

## CAPUT II.

D E

## SENTENTIÆ FALSÆ REFUTATIONE.

### §. I.

Nunc quoque adversariorum Vires experiendæ supervent, ut ne de *ixionis vixis* gloriari habeant, dum multa numero, non multum pondere dixerunt. Atq; hanc hæresin, quòd scilicet DEus non ad operationes creaturarum concurrat, foventes jamdudum Pelagiani dixerunt, referente *Hieron. l. 1. contra Pelagian.* & *August. l. 5. de Genes. ad Lit. c. 20.* & *l. de grat. Christ. c. 4.* posse sese sine Auxilio D E I mouere Manum, curvare digitum, sedere, stare ambulare, quod quām falsissimum sit, probavi superius §. 6. sect. 1.

§. 2. Verùm nec hoc solum isti hæretici statuerunt, sed etiam ii, qui in numero Christianorum voluerunt recipi, quales sunt *Durandus* 2. sent. dist. 1. quæst. 5. & dist. 37. quæst. 1. *Ludovicus à Dola*, aliique sic argumentantes:

B

Qu.

*Quicunque Concursus in D E U M confert culpam , quoad  
peccata ab hominibus perpetrata , ille est rejiciendus.  
Atqui hic &c. Ergò.*

Majorem claram esse arbitrantur ; Minorem verò probant sic : *Si D E u s concurrit ad omnia , concurrat etiam ad pec-  
cata.* Verùm ad hoc Resp. distingvendo inter pec-  
cati materiale & formale ; Concedo, quòd D E u s concur-  
rat ad peccati materiale , nego, quod ad formale, siqui-  
dem est D E u s non volens peccatum, *Pf. s.v.s.*

§. 3. Quid verò miramur , quod hoc viri alias Religionis statuerint ; siquidem etiam non erubuit hunc Concursum D E I cum creaturis negare vir nostræ Reli-  
gioni addictus Nicolaus Taurellus , Professor Altorfi-  
nus, dum omnium pessimè de hoc Concursu *l. d. ætern. re-  
rum, part. 2. qv. 45.* sic loquitur : *Magna profectò est indigni-  
tas, D E u m , qui Naturam faceret, Naturæ socium esse, ad abje-  
ctas etiam operas, perpetuumq; laborem : Si voluit D E u s semper  
operari, cur Naturam fecit ? An putas D E u m , si quid facere  
velit Concausa indigere Naturâ.* Hactenus Taurellus. Sed  
huic tam absurdè & imprudenter impudenterque lo-  
quenti Resp. quærendo : Quæ major sit indignitas , vel  
quòd D E U S illas abjectissimas, quæ solùm à nobis in ta-  
li vili æstimio habentur , creaverit ; vel quod cùm illis  
cooperetur illasque conservet ! Sanè Dominus manet  
etiam in hac ipsâ actione , siquidem regit & gubernat ,  
quod non est servi. Nec porrò laboriosus est ille con-  
cursus D E O , siquidem in actionibus, *disputante egregie  
Scalig. Exerc. 76. sect. 41.* immaterialibus non datur defati-  
gatio aut delassatio : id quod etiam *Augustin. l. 12. d. Civit.  
c. 17.* testatur inquiens : *Non cogitetur in D E I vacatione,  
ignavia, desidia, inertia : sicut nec in ejus labore conatus , indu-  
stria : Novit qui scens agere , & agens quiescere.* Deinde non  
potuit facere infinitum & independentem effectum ; si-  
qui-

quidem involvit imperfectionem, non quidem respectu suæ potentiae, sed respectu impossibilitatis in objecto. Qua de causa multò magis dicamus, dicente Scheiblero l. 2. Met. c. 3. tit. 19. Art. 2. illum tam non posse fieri, quām DEUM non posse illum facere. Cur autem DEus ita condere naturā voluerit, scire non possumus: *A nostra tamen ignorantia, juxta Canonem, ad rei sublationem non valet consequentia.* Neque inde DEus eget naturā & ejus concursu, siquidem illā etiam dimissā (*uti suprà §. 9. monstravi*) agere potest, absolutā suā potentiam, quando & quoties vult.

§. 5. Alii nobis objicientes ex hoc Concursu sic concludunt: *Si DEus concurrit ad actiones hominum, concurret etiam ad voluntatem hominis, adeoque voluntas non erit libera, & per consequens homo destituetur libero Arbitrio.* Verūm enim verò ad hoc Resp. negando consequens. Siquidem libertas humana non tollitur, ratio est hæc, quia Concursus DEI est quid concomitans actionem, non verò prærequisitum, nunc verò indifferentia ad agendum non tollitur per concomitantia actionem, sed per prærequisita; siquidem liberum agens positis omnibus ad agendum prærequisitis nō potest non agere. Proinde hic Concursus non magis tollit libertatem, quām quod unum quodque agens, cum de præsenti agit, non potest non agere, & cum egit, non potest non egisse.

§. 6. Alii dicunt, quod causæ secundæ non propriè agant, quales sunt Gabriel Biel l. 3. Dist. 1. q. 1. & 3. Aliacensis l. 4. sent. dist. 1. q. 1. Qui omnem causis secundis actionem detraxerunt. Sed negatur hoc; siquidem utraq; causa agit. Nam si hoc nō esset, omnia illa à me superius §. 12. citata absurda evenirent. Horum & sententiam negat Albert. 2. Phys. Tract. 2. c. 3. Averroes 9. Phys. comment. 5. & l. 2. comment. 18. Tom. q. 3. de potent. Art. 7. Syvarez. disp. 18. sect. 1. Colleg. Conimbr. 2. Phys. c. 7. quæst. II. Art. I. Fonseca l. 5. Met. c. 2. Q. 5.

§. 7. Objiciunt porrò: *Non procedere potest una actio à duobus.* Respondeo concedendo, si nempè illi agentes sunt unius ordinis, negando, si diversi: quemadmodum hoc Thomas part. I. q. 105, ad. 5. testatur dicens: *una actio non potest procedere à duobus agentibus unius ordinis:* Sed nihil prohibet, quod una & eadem actio procedat à primo & secundo agente. Adde, inquit Svvarez, disp. 22.3. *necessarium esse*, quia ab utroquè essentialiter & immediate pendet.

§. 8. Dicunt præterea *inconveniens esse*, quod talia agentia sint *partialia*. Resp. verò negando; siquidem illæ causæ sunt diversorum ordinum, & non propriè dicuntur componere unam causam totalem, sed unaquæque est causa *integra* in suo ordine.

§. 9. Alii DEO omnia adscribentes creaturas nihil omnino agere arbitrantur, quales sunt inter Arabes, testo Averroë 9. Met. comment. 7. d. l. 12. Comment. 15. Petrus de Aliaco. l. 4. sent. dist. 1. qu. 1. Gabriel in librum 4. dist. 2. qu. 23. Ludovicus Cironius l. 2. de placitis Philos. c. 33. Marsilius Cognatus l. 5. de causæ primæ efficientiâ. c. 45. Dicunt, ad actiones, quæ creaturis adscribūtur, illas se habere prorsus per accidens, & non magis esse causas earum, ac ingrediens domum, est causa ruinae, si eo ingrediente paries vel ostium ruat. Sed ad hoc Resp. cum B. Scharffio ex Theor. ejus transcend. disp. II. Ps. 5. Sanè, si Deus solitariè ageret, sine cooperatione causarum secundarum, non video, quomodo non æquè debeat urere aqua quam ignis. Nihil jam dicam de absurdis, quæ exinde promanarent: sequeretur enim adulterum non mœchari, neque furem furari, aut homicidiam necare, sed DEUM. Absit blasphemia! Quare liquet, habere omnino causas secundas virtutem agendi, & reverè agere.

§. 10. Et hæc de Concursu causæ primæ cum causis secundis dicta sufficiant, quibus subscribo illud  
Sal-

Salviani Presbyteri Marsiliensis : Mens pii studii ac boni  
voti, etiam si effectum non invenerit cœpti operis, habet ta-  
men præmium voluntatis.

DEO GRATIAS.

---

Dicitur Isseris heic primūm, primam Sociando Secundæ  
Causam; quod primum Prima secundet opus.

Primi Humaniss. Dn. Resp. conatib.  
gratul. f.

L. VAL. ALBERTI, P. P.

---

Ardua Concursus si res, PITSCHEMANNE, subacti  
Judicio \* Heerbordi; cur placet ille adeò?  
Scilicet haud nescis, quòd sint magis ardua pulchra:  
Approbo conatum; perge juvante DEO.

Namq; juvante DEO, poteris feliciter omnem  
Hunc studii cursum solvere; solve brevi!

\* Adrianus Heerebord. Meletem. Philos. volum. i. disput. 7. de  
Concursu DEI thes. i. pag. m. 27. Si quid, inquit, in  
Philosophia universa arduum est ac difficile explicatus,  
conclusus est divinus, in quo explicando tam fuit à Philo-  
sophis laboratum & sudatum, ut nulli magis &c.

PRERES.

---

Ad Literatis. Dn. Respondentem.

An non transcendent rationem IOVA: Quid ergo  
Mortalis captus scire laborat eum?  
Verum est, nemo satis valet h̄ic comprehendere Numen:  
Ast ex parte DEUM mens quoque nosse potest.  
Novimus in cuiusq; rei quod facta creatæ  
Influat, & præsens id benè charta docet.  
Concurrat posthac Tecum specialiter, opto,  
VIS PIA, sic magnus, ritè beatus eris.

Animo gratulabundo scrib.

M. Godofredus Böttner/ Siles.

B 3

Dum

Dum PIETSCHMANNE, Tibi PRIMA M de-  
fendere CAUSAM

Mens fuit in primâ fronte, decenter agit.

Nam qui Principio vigilans meditarier hocce

Quod prius est properat, ritè locabit opus.

Gratulor en! pergas cæpto contendere cursu,

Prima Tibi quondam præmia causa dabit.

M. Henricus Hildebrandus.

---

**Q**Vid Sophiæ tribuas, metæ quam servidus instes,  
Quæ quondam doctum patriis Te sistet in Arvis,  
Nunc ACTU monstras: Laudo tentamina prima,  
Rex hominum, rerumque Parens, qui cuncta gubernat,  
Magnus consiliis porro Deus omne secundet  
Cœptum! quod voveo. Virtuti Patria quondam  
Digna brabæa Tuæ statuet, pretiumque laboris.

Politisimo Domino Respondenti, Matrueli suo animi-  
tus dilecto, gratulabundâ mente breviter  
ita ominabatur

Christianus Schuberthus, Zitta Lusatius  
J. U. C.

---

**S**O fleucht ein Adler auff! ein Geist entflambter Sinn  
Lässt daß ermatte Volk, den tummen Vöfel liegen/  
Und bey der Murcia die faule Furche pfliegen;  
Er aber strebt nach Ruhm und dencket stets dahin,  
Wo die geneunte Zunft bey ihrem Vater sitzt/  
Und wo auff Helicons belaubten Lorber Höhen  
Mit Künsten ausgerüst/die muntern Sachen gehen;  
Denn hier wird nur durch Fleiß ein recht Mercur geschnizt.  
Ein solcher ist auch Er, mein vielgeliebter Freund/  
Der von der Kindheit an Minervens Brust gesogen  
Und nach dem Helicon in vollem Flug geflogen/  
Allwo man erst erkennt daß Er der Faulheit feind

Denn

Denn Künsten günstig sey : Drumb thut Er sich herfür  
Und läßt die Flammen sehn/ wo die Gelehrten sitzen.  
Ich wünsche Glück darzu! und gönne seinem schwüzen  
Ins ehste einen Kranz von Daphnes Lorber Zier.

Dieses setzte dem Herrn Respondenten als  
seinem Herrn Landsmann glückwünschende hinzu

### Gottfriedt Hülse.

Ein Freund sein iezges Thun weist daß Er stets bemühet  
Was rechtes zu erlernen. Nun wohl sein Glücke blühet  
Im angefangnem Werck. Ihm wird nicht fehlen Lohn/  
Sophia zeigt bereit die künftige Ehren-Krohn.

Zu bezeugung seiner Schuldigkeit setzte  
dieses wenige hinzu

### Salomon Schöpf / Chryphim. Sil. LL. Stud.

#### Madrigal.

Mhöflich ists/ wenn wieder giebet raus  
Ein (a) Trinckens Mann/ was Er durch vieles schlingen  
Vom Bacchi Tranck zu sich genommen hatt!  
Allein hier ists nicht so bewand  
Denn Ehre bringet dieses Blat.  
Weil solches wieder zeiget/ was von Sophiens Hand  
Du eingetrunknen hast.  
Drumb trinke glücklich fort/bis man wird singen:  
Herr Pitschmann trägt darvon Apollens Lorber-  
Strauß.

(a) Pitsch in Polnischen bedeutet so viel  
in Deutscher Sprache als trincken.

Dieses setzte so wohlmeinend als eilender sei-  
nen vielgeehrten Herren Stubenges-  
sellern

### Melchior Tschentscher / Auf'm Hahn in Schlesien Phil. Stud.

Amice,

**A**MICE, pectus, quod Tibi Pallas dedit,  
Se prodit hicce, quando docte disputas,  
Quid causa prima, quid secundæ causæ agant.  
Sophos supremum te citò membrum capit,  
Claro Lycei qui refers gregi tuas  
Opes. Lucrari disce porrō jugiter  
Hac emptione, & te canet Musæ cohors,  
Sophiâ & probante cuncta laudibus colet,  
Per Te suos dum conspicit flores legi,  
Florem tuæ de Patriæ notat fore.

*Gratulab. accinebat*

GEORGIUS HEINTKE/OLSNENS. SILE-  
SIUS PHIL. & MED. STUD.

FINIS.



Coll. diss. A. 36, misc. 54